

GJALDSKRÁ

fyrir kalt vatn á veitusvæði Orkuveitu Reykjavíkur – vatns- og fráveitu.

1. gr.

Vatnsgjald.

Heimilt er að leggja á fasteign almennt vatnsgjald hafi vatnsveita verið tengd við mannvirki á fasteign. Mannvirki telst tengt vatnsveitu þegar heimæð hefur verið tengd frá vatnsveitulögn í vatnsinntak notanda.

<i>Svæði</i>	<i>Fastagjald kr./matseining/ár</i>	<i>Fermetragjald kr./m²/ár</i>
Reykjavík og Akranes	5.582	216,66
Álfanes	8.125	315,30
Stykkishólmur	7.281	282,52
Grundarfjörður	8.165	359,42
Borgarbyggð og Úthlíð	9.270	408,07

Vatnsgjald samanstendur af fastagjaldi á hverja matseiningu og fermetragjaldi eftir stærð samkvæmt fasteignaskrá. Heimilt er að reiknað sé af flatarmáli allra mannvirkja á fasteign.

Bílskúrar og sambærilegt húsnæði sem stendur á fasteign með öðrum mannvirkjum er undanþegið fastagjaldi. Vatnsgjald fer aldrei yfir 0,5% af fasteignamati. Vatnsgjald þetta er miðað við byggingarvísitölu í nóvember 2023 og uppfæriskv. henni í nóvember ár hvert.

Árleg vatnsgjöld mannvirkja í sumarhúsabyggingum skulu að lágmarki vera 43.557 kr.

Vatnsgjald innheimtist af Orkuveitu Reykjavíkur – vatns- og fráveitu.

Orkuveitu Reykjavíkur – vatns- og fráveitu er heimilt að gjaldfella álagningu ársins verði greiðslufall á einum eða fleiri reikningum vegna álagningarinnar.

2. gr.

Notkunargjald vatns.

Notkunargjald er 46,46 kr./m³, byggingavatn er 214,60 kr./dag og kalt vatn í heildsölu er 52,82 kr./m³.

Fast gjald sem er háð stærð mælis:

<i>Stærð mælis</i>	<i>Fast gjald kr./dag</i>	<i>Fast gjald fyrir brunna¹ kr./dag</i>
15 mm	55,32	184,63
20 mm	56,31	185,60
25 mm	72,50	201,79
32 mm	81,25	210,54
40 mm	97,74	227,07
50 mm	119,55	248,89
65 mm	161,24	290,27
80 mm	312,85	442,45
≥ 100 mm	328,92	458,60

¹ Verðlagning byggir á 2. ml. 2. mgr. 6. gr. laga nr. 32/2004 um vatnsveitur sveitarfélaga. Gildir fyrir afhendingu vatns í brunni þar sem skráð fasteign er ekki til staðar.

3. gr.

Tengigjöld.

Gjaldskráin miðast við að ídráttarrör fyrir heimæð hafi verið lagt á frostfríu dýpi frá tengistað Orkuveitunnar við lóðarmörk, að inntaksstað mannvirkis sem Orkuveitan hefur samþykkt.

<i>Dvermál inntaks:</i>	<i>32 mm</i>	<i>40 mm</i>	<i>50 mm</i>	<i>63 mm</i>	<i>75 mm</i>	<i>90 mm</i>	<i>110 mm</i>
Tengi-gjald kr.:	364.366	520.704	744.132	1.077.074	1.423.629	1.905.839	2.627.411

Tengigjald fyrir inntök > 110 mm er reiknað út hjá Orkuveitunni.

Ein tengigrind er innifalin í hverju tengigjaldi og fyrir hverja aukatengigrind greiðist 10% af tengigjaldi viðkomandi málstærðar.

Byggingavatn og brunnar:

<i>Byggingavatn til og með 50 mm</i>	<i>kr.</i>
Uppsettur byggingavatnskrani ¹	118.558
Aftenging byggingavatnskrana, yfirborð ófrágengið	102.949
Aftenging byggingavatnskrana, yfirborð malbik eða steypa	272.138
Uppsettur brunnur fyrir vatnsafhendingu ²	90.323

¹ Gildir þegar tengt er við heimæðarenda sem kominn er inn fyrir lóðarmörk.

² Sé sótt um heimæð í brunn þar sem fasteign er ekki til staðar leggur Orkuveitan til brunninn og kemur honum fyrir. Umsækjandi greiðir einnig tengigjald í samræmi við umsóttu stærð.

Tengigjöld fyrir frístundahús:

<i>Staðsetning</i>	<i>Málstærð</i>	<i>kr.</i>
Heimæð lögð stök frá stofn- eða götuæð	25 mm	1.056.906
Heimæð lögð í sama skurð og samtímis heitavatnsheimæð OR	25 mm	759.046

Þessi verð miðast við heimæð allt að 100 metrum að lengd. Umsækjandi greiðir sérstaklega fyrir klapparbrot.

Önnur tengipjónusta:

<i>Önnur tengipjónusta</i>	<i>kr.</i>
Lágmarksgjald fyrir breytingu/færslu heimæða	79.362

Heimilt er að falla frá þessu gjaldi þar sem komið er að endurnýjun lagna.

4. gr.

Gjöld skv. 2. og 3. gr. miðast við byggingarvísitölu fyrir nóvember 2024 og uppfærast á 3ja mánaða fresti. Að undanskildu gjaldi vegna annarrar tengipjónustu sem miðast við vísitölu neysluverðs fyrir október og uppfærast árlega.

Gjaldskrá þessi sem er sett í samræmi við lög um vatnsveitur sveitarfélaga nr. 32/2004 og reglugerð um vatnsveitur sveitarfélaga nr. 401/2005 öðlast gildi 1. janúar 2025. Jafnframt fellur úr gildi gjaldskrá sama efnis nr. 1576/2023.

Reykjavík, 11. desember 2024.

F.h. Orkuveitu Reykjavíkur – vatns- og fráveitu sf.,

Sólrún Kristjánsdóttir framkvæmdastýra Veitna.